

中國方志叢書·華北地方·第三八五號

據

清·劉光斗等修，朱學海纂
清道光十四年刊本

影印

山東省

諸城縣續志

成文出版社有限公司印行

2985-75



10098401

中華民國六十五年 月臺一版

諸城縣續志

全冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續修諸城縣志序

諸城志自泰州宮君杜洲考訂後
詳且備矣何續乎爾續以乾隆二
十九年甲申繼自今七十餘載凡
宮志之所未及收者今皆采而錄
之也是故圖考不必更總紀自乾

隆三十年己酉始而疆域田賦古
蹟金石諸考間有所列皆近今之
所釐定及採訪之出於宮志後者
藝文則我

朝文教日隆多士奮興而諸城尤
文獻之邦故著述益多於前也他

若星野山川建置武備風俗方物
考以及歷代地里沿革封建職官
選舉明景泰以來議叙明洪熙以
來誥勅歷代襲廕雜見表今無可
續故並刪其目云

國朝之職官選舉議叙誥勅襲廕

各表與列傳之已載入宮志者亦
無庸贅一辭今之采而入之者皆
踵其式而續之未嘗有所改作於
其間也今自乾隆乙酉始收入職
官者一百四十有二人收入選舉
者二百二十有二人收入誥勅者

二百三十有三人收入襲蔭者四
人於宦蹟則得知縣五人教諭一
人皆確有實政在人耳目至邑之
仕宦以劉氏相業爲隆而其餘京
秩外僚別其族姓列其行事凡百
四十人其有經術而仕宦者悉歸

之列傳故儒林缺焉

國家承平久故武功缺焉一行亦
孝義之事也則竝爲一道一風同
士盡儒術故方伎缺焉若其列於
文苑者三十二人忠烈二人孝義
一百四十三人隱逸十六人僑寓

五人列女一千八百二十四人

名蹟相副無稍濫烏虜盛哉碩輔
名臣賢良文學節義之倫足以輝
映史冊昭茲來許考軼事羅散佚
顯微闡幽以勵風俗而備觀覽宰
斯邑者所當踴躍從事也予自辛


郊秋即倡續修議而士民之翕然
樂從者則邑儒學蔡王兩君子及
前後任李沈兩少府勸導之力居
多嗣因公馳驅因循歲餘士辰秋
始開館采集遺事癸巳冬予有母
憂邑之人方鰥鰥然懼茲事之未

能有成也無何而代者鄧君寅軒
汪君竹千相繼至甫下車即汲汲
以此爲先務邑紳之與其事者鼓
舞而贊勸之予遂得於卸篆後拭
目以觀厥成也其採訪者則擇各
練俊秀二人謂其耳目近而考核

周也協修者則延邑耆宿四人謂其齒德優而記述詳也總纂者爲關中朱屏山先生予浼上官聘自京師謂其學富蘇韓而文追班馬也斯志成識者或不以師心造臆爲予咎也

道光十四年十月海城劉光斗撰





劉錡山大令修諸城志未成
以憂去余在檄未守是邦
凡五月而代者汪君竹子至
余且治裝初有日矣邑士
以志事將畢屬為之序

余慨然曰山川土宜賦役民
物風俗皆詳於志政教之
所由出也余自慚無壯猷
綴舊書日不暇給未能深
求利病痛舉紀綱以砥

蒸庶之心而斯舉又前
合之為邑士君子贊襄
之力敢自以為功乎獨
其人才之盛冷氣之淳
舊得之傳聞茲今目睹